

豫

章

焚

書

第一冊

張

華

集

書

卷之四

四宋人集

劉述琛



笑東正度園  
書館校刻

四宋人集總目

王魏公集八卷

据李振唐鈔本付刊用文瀾閣本覆校

曲阜集四卷


据怡府明鈔本

溪堂集十卷

据文瀾閣本

日涉園集十卷

据文瀾閣本



王魏公集

庚申孟夏

劉道深署

己未仲夏刊  
於南昌退廬

欽定四庫全書總目卷一百五十三

集部

別集類

王魏公集八卷

永樂大典本

宋王安禮撰安禮字和甫臨川人安石之弟也  
登嘉祐六年進士第歷官翰林學士知開封府  
尚書左丞遷資政殿學士知太原府事蹟具宋  
史本傳安石兄弟三人惟安國數以正議見紕  
其文集亦湮沒不傳安禮位稍通顯史稱其以  
經濟自任而闊略細謹故其生平一以知湖潤  
兩州與倡女共飯論罷一以貪論罷屢蹟屢起  
蓋亦跡弛於法度之外者然其知制誥時因彗

星見極言執政大臣不察上惠養元元之意用力殫於溝瘠取利究於園夫其語皆以譏刺新法則於大體尙能持正固未可以一節概貶之矣其集本二十卷見於宋史藝文志陳振孫書錄解題者並同明葉盛菴竹堂書目亦載有王魏公集六冊是明初尙有傳本厥後諸家書目皆不著錄蓋自明中葉以後已佚不存今從永樂大典散見各韻者哀輯彙編釐爲八卷其中內外制草頗典重可觀敘事之文亦具有法度至若沈季良元絳諸誌銘尤足補史傳之闕以

視安石雖規模稍隘而核其體格固亦約略相似也安禮封魏公史所不載惟田晝所撰王和甫家傳有云累勲至上柱國爵魏郡開國公食邑三千戶食實封五百戶蓋宋世每遇郊恩輒賜羣臣勲封名號冗濫故史不盡載觀安禮所修靈臺祕苑今著錄子部中者書前有安禮署銜一條題上騎都尉劇縣開國男而本傳亦未之及則其爲史所略者固已多矣



王魏公集目錄

卷一

詩四十三首 詞一首

卷二

詔七首 制八十五首

卷三

制五十八首 誥一首

卷四

劄子八首 附 策問四道

卷五

表四十首 狀六首

卷六

啟三十四首 書一首 記一首

卷七

疏五首 青詞四首 朱表九首 齋文十五首  
上梁文一首 祝文八首

卷八

墓志銘十五首 祭文二首

王魏公集卷一

宋 王安禮 撰

詩

鴻鵠

鴻鵠慕稻粱日夜疑罝罟蜻蛉善蜚翔不爲飲食留  
膠絲竹竿杪童子與我仇出處或類此明明君子羞  
近世喜高論罔知道沉浮朵頤非吉人赴海豈善謀  
萬事固有理彼哉甯易求愛子智慮明吾言非暗投  
常州寄呂進之

峩峩霍丘上可以望九州滾滾蔡河底日夜無停留

子與山水近官冗亦少休登高望我居寄書託東舟

非唯畏

疑作慰

我思亦以解子憂我欲問子訊冰泥塞

邢溝又欲識子處東山豈高坵惜哉所處異會合寧  
易求何時春風來從此繁臺游

遊集禧中元東軒分題得東字

策馬從仙子探春遊帝宮愛此高尙志開軒池水東  
鴨綠漾殘日樹碧留清風生我瀟灑思超然塵世中

昔日

昔日登名級天街是勝遊昔日初得志潘鬢未驚秋  
逸馭乘風遠遷鸞出谷幽瓊林頌宴處樓殿彩雲浮

丙寅九月二十日同蔣隸叔從長干雨中登高  
座寺

弭節蕭帝寺驅車成子岡莽卉翳塗泥霖雨霑衣裳  
躋攀踰百尋險滑步寸量生公不可見雨花空此堂  
當時聽說法神鬼久已藏烟雲渺無窮淒風來我旁  
山川萬邑屋所見未毫芒駕言吾將歸重勞徒御將  
遲明羲與和宇宙觀暄暘安行凌大虛曠朗觀八荒  
送別范希聲

駟吏闐曉鼓僕夫樂晨征叙別何草草君今千里行  
捧檄近京國拜親還洛城層巒望太行慷慨無俗情